



書經蔡傳通考 七

十六五

服部文庫
117
147
7



尚書通考卷之七



朱子

○禹敷土。隨山刊木。奠高山大川。

當時治水畢。却總作此一書。故自冀州王都始。禹自言予決九川。距四海。濬畎澮。距川。此數語極好。細看今人說禹治水。始于壺口。鑿龍門。其未敢深信。方河水洶湧。其勢迅激。縱使鑿下龍門。恐仍舊壅塞。又下水未。有分殺。必且潰決。四出。蓋禹先決九川之水。使各通于海。又濬畎澮之水。使各通于川。使大水有所入。小水有所歸。只是先從低處下手。若下面之水盡

殺則上面之水漸淺却方可下手九川盡通則導河之功已及八分故某嘗謂禹治水當始于碣石九河蓋河患惟兗為甚兗州是河曲處兩岸無山所以潰決常在此故自決處導之用功尤難蓋皆自下流殺其勢耳

按先儒謂禹貢叙治水以冀兗青徐揚荆豫梁雍為次者蓋順五行而治之耳冀居北於五行為水水生木東方故次兗青徐木生火故次南揚荆火生土故次中豫土生金故次西梁雍所謂彝倫攸叙與鯀之汨陳五行異矣今攷禹貢所書其次第

固如此然冀州京都天下根本所在禹施功先自丙始蓋以重輕而論也兗青徐平田虛壤泛濫潰決之患視他州尤甚拯溺拯創莫先於此揚荆則江漢下流次當䟽鑿以泄水勢豫雖有河濟滎洛之浸而漸居上流獨梁雍居西北地高水患差少用功宜後此蓋以緩急而論也所謂順五行而治之者亦偶合耳

之間水多決潰。昔之九河碣石。今已包淪于海。昔之河趨任洛。今乃南合清淮。滎波已難指實。沮洳亦非故道。江漢沱潛出非一所。九江匯澤各實異同。讀書攷古者。每病其難焉。又况州郡沿革廢置不常。考之傳疏。卒難尋究。乃蒐粹古今書志。規爲小圖。備載禹貢所書山水地名。悉註以今之郡縣。庶乎讀是書者。按圖易見。至若南踰嶺粵。東跨遼。驪和林陰山以北。流沙乾竺以西。亦載其畧。以見本朝混一之盛。疆理無外。超逾禹蹟。四垂荒漠。部落無數。第非載籍所考。不能殫紀。其中國州郡非

禹貢山水所經者。亦畧而不載。深慚掛漏。博洽君子。幸改正焉。

右山水地名註。以今日郡縣圖。不可容備。見後山川貢賦圖內詳註。

禹貢山川貢賦之圖

冀州

三面距河。兗河之西。雍河之東。豫河之北。八州皆言疆界。冀不言者。以餘州所至可見。晁氏曰。亦以尊京師。示王者無外之意。

山

壺口山。漢地志在河東郡北。屈縣東南。今隰州吉

鄉縣也。道今河東吉州。

梁山。呂梁山也。在今石州離石縣東北。呂不韋

曰龍門未闢呂梁未鑿河出孟門之上。酈道元謂

呂梁之石崇竦河流激盪震動天地。孟門山在吉州。

岐山。在汾州介休縣狐岐之山。勝水所出東北流

注于汾。梁岐二山河水所經治之所以開河道也。

岳。太岳也。周職方冀州山鎮曰霍山。地志謂霍太

山即太岳。在河東郡彘縣東。今晉州霍邑也。山南

曰陽。今岳陽縣地。堯之所都。霍邑今霍州岳陽今晉寧路縣

碣石。地志在北平郡驪城縣西南河口之地。今平

州之南。酈道元云驪城枕海有石如甬道數十

里。當山頂有大石如柱。韋昭云其山昔在河口。今

為水所漸淪入于海。已去岸五百餘里矣。平州今平

原隰

太原。河東太原府。今冀寧路

覃懷。地名。地志河內郡有懷縣。今懷州也。魯氏

曰覃懷平地也。當在孟津之東。太行之西。涑水出

其西。淇水出其東。孟今懷路

大陸。今邢趙深三州之地。爾雅高平曰陸。河過信
 洛之北。西山勢斷曠然。四平故謂之大陸。邢。今順
 德路。又

趙州隆平縣有大
 陸澤。與邢接壤。

川

衡漳。地志漳水二。一出上黨沾縣。大黿谷。今平定
 軍樂平縣。小山也。名為清漳。一出上黨長子縣。鹿
 谷山。今潞州長子縣。發鳩山。名為濁漳。酈道元謂
 之衡水。東至潞州。涉縣。合清漳。東北至定遠軍。東
 光縣入北河。又按桑欽云。二漳異源。而下流相
 合同。歸于海。唐人亦言漳水能獨達于海。請以為

瀆而不云入河者。蓋禹之導河至碣石入海。周定
 王五年。河徙。砮礫漸遷。而東漢初。漳猶入河。其後
 河徙日東。而取漳水益遠。至欽時。河自大伾以下
 已非故道。而漳自入海矣。故欽與唐人所言如此。

樂平。今為滄州。在平
 定南。東光。今隸景州。

恒水。地志出常山郡。上曲陽縣。恒山北谷。在今定
 州。曲陽縣西北。恒山也。東入瀛水。薛氏曰。東流
 合瀛水。至瀛州。高陽縣入易水。晁氏曰。今之恒水
 西南流。至真定府。行唐縣。東入滋水。又南流入衡
 水。非古徑矣。定州。今中山府。曲陽。今隸
 保定路。瀛州。今河間路。

衛水。地志出常山郡靈壽縣東北。即今真定府靈壽縣也。東入滹沱河。薛氏曰：東北合滹沱河。過信安軍入易水。

河水。按漢西域傳張騫所窮河源云：河有兩源。一出葱嶺。一出于闐于闐在南山下。其河北流與葱嶺河合。東注蒲昌海。一名鹽澤。去玉門陽關三百餘里。其水停居。冬夏不增減。潛行地中。南出積石。又唐長慶中薛元鼎使吐蕃。自隴西成紀縣西南出塞二千餘里。得河源於莫賀延磧。尾曰閼磨黎山。其山中高四下。所謂崑崙也。東北流與積石河

相連。河源澄瑩。冬春可涉。下稍合。流色赤。益遠他水并注。遂濁。吐蕃亦自言崑崙在其國西南。三說恐薛氏為是。河自積石二千里而後至龍門。自北而南至華陰。自南而東。至底柱。至孟津。至洛汭。至大伾。又自東而北。過洛水。至大陸。又播為九河。入海之虵為逆河。自洛汭而上。河行於山。其地皆可致。自大伾而下。垠岸高於平地。故決齧流移。水陸變遷。而洛水大陸九河逆河皆難指實。釋水云。河千里。一曲一直。

愚按漢志葱嶺于闐皆在沙州西。其水雖與積

石河合然非正源也。蓋漢時止通西域未至吐蕃界。薛說為是其下流則自周定王五年河徙磧礫。漢武帝元光三年河決瓠子。後又決館陶為屯氏河。河水徙從頓丘。東南流入渤海。元帝末光五年河決清河靈鳴犢口。宋建紹中河決大野溢淮泗為南清河。金亡後河自開封北衛州決入渦河。河水全入淮。同輸于海。鳴犢口今東昌瓠子。今濮州。館陶今大名。大伾今濮州。

土

白壤。孔氏曰。無塊曰壤。顏氏曰。柔土曰壤。白其色。

也。壤其性也。

賦田所出穀米

上上錯。第十等雜出。第二等也。賦高於田。四等地廣而人稠也。林氏曰。冀先賦而後田者。冀王畿之地。天子所自治。併與場圃園廬漆林之類而征之。如周官載師所載。賦非盡出於田也。故以賦屬于厥土之下。餘州皆田之賦也。故先田而後賦。愚按。蔡氏言賦雜出他等者。或以為歲有豐凶。或以為戶有增減。皆非也。意者地力有上下。年分不同。如周官田一易再易之類。故賦之等第。

亦有上下年分。若謂歲之豐凶，戶之增減，則九州皆然。何獨於冀揚豫梁四州言哉。按此辨前說雖當然，所謂地力有上下，年分不同，則亦未必獨四州為然也。蓋九州之賦，以每州歲入多寡相較，第為九等，而其為等也，未必自第一至第九，截然以次而寡，正為九等，必其多寡之數有所近似，故以錯而言之。是以冀賦雖第一，而其數近於第二，故曰上上錯。豫賦雖第二，而其數近於第一，故曰錯上中。梁賦雖第八，而較第九，則多於十之三，故曰下中三錯。揚賦雖第七

而亦近於第六，故曰下上上錯。蓋錯者，雜也。言其數之相近而相雜也。孟子曰：貢者，校數歲之中，以為常。樂歲不多取，凶歲不寡取。由是言之，夏貢之法，賦入皆有定，又安有年分之不同者哉。

田

中中。第五等。

貢，內無所事於貢，篚也。天子封

皮服。海島之夷，以皮服來貢也。王炎曰：北地寒，故服用皮，非篚貢也。孔氏曰：君島之夷，還服其皮。

明水害除

入貢河道

夾右碣石入于河。北方貢賦之來自北海入河南
 向西轉而碣石在其右轉屬之間故曰夾右也。程
 氏曰冀為帝都東西南三面距河他州貢賦皆以
 達河為至故此三方亦不必書而其北境則漢遼
 東西右北平滹陽上谷之地其水如遼濡溥易皆
 中高不與河通故必自北海然後達河也。孔氏
 曰禹夾行此山之右唐孔氏曰則行碣石山西南
 行入河在碣石之右顧氏亦云山西曰右

兗州

東南據濟西北距河兗地最狹然居河之曲處其
 患尤甚用功尤難故作十三載然後賦法同於他
 州。唐孔氏曰據謂跨之兗州之境跨濟而過之
 熊氏曰西距河東距濟北濱海南接徐豫之境今
 兗濟德隸魏博滄景等州。

川

九河。爾雅一曰徒駭二曰太史三曰馬頰四曰覆
 鬴五曰胡蘇六曰簡潔七曰鈎盤八曰鬲津其一
 則河之經流也先儒不知遂分簡潔為二。程氏

日。今滄州之地。北與平州接壤。相去五百餘里。禹之九河。當在其地。後為海水淪沒。故其跡不存。方九河未沒於海之時。從今海岸東北更五百里。平地河播為九。在此五百里中。又上文言夾右碣石。則九河入海之處。有碣石在其西北。岸通趾頂皆石。不應仆沒。今充冀之地。既無此石。而平州正南有山名碣石。在海中去岸五百餘里。卓立可見。則是九河已淪於海明矣。

澠水。許慎云。泝水受陳留浚儀陰溝。至蒙為澠水。東入于泗。陳留。今汴梁路。蒙縣。今睢州。

沮水。水經澠之下流。入于睢水。地志。睢水出沛國

芒縣。睢水。其沮水歟。沛。今徐州。睢水。劉項戰處。

濟水。發源為沚。既東為濟。地志云。出河東郡垣縣。王屋山。東南今絳州垣曲縣山也。始發源。王屋山頂。崖下曰沚水。既見而伏。東出於今孟州。濟源縣。二源。東源。周回七百步。其深不測。西源。周迴六百八十五步。其深一丈。合流至溫縣。是為濟水。歷魏公臺。西南入于河。復出河之南。溢而為滎。又東出於陶丘。北。又東至濟陰縣。洧澤。又東北至東平府。壽張縣。安民亭。合汶水。又北東至今青州。博興縣。

入海唐李賢謂濟自鄭以東貫滑曹鄆濟齊青以入于海樂史謂今東平濟南淄川北海界中有水流入海謂之清河先儒皆以濟水性下勁疾故能入河穴地流注顯伏吳興沈氏言濟水伏流地中今歷下凡發地皆是流水世謂濟水經過其下則濟水伏流絕河乃其物性之常事耳王屋在澤州接境溫縣屬孟州陶丘今曹州定陶縣濟陰亦屬曹州博興今博興州淄川今般陽北海今益都歷下今濟南歷城歷內

潑水。潑者河之支流也。地志曰潑水出東郡東武陽至千乘入海程氏以為此乃漢河與潑殊異。

通志漢武帝元光三年春河徙從頓丘東南流入渤海是為朝城之潑河又河至頓丘分為二一曰潑川出武陽至千乘入渤海又漢武帝河東北過武陽今大名朝城也而為潑河東郡博州今東昌屬今益都路有潑水千乘舊

澤

雷夏。地志在濟陰郡城陽縣西北今澤州雷澤縣西北也山海經云澤中有雷神龍身而人頰鼓其腹則雷然則本夏澤因雷故名雷夏。

土

黑墳。墳土脉墳起也。孔氏曰。色黑而墳起。

田

中下。第六等。

賦

負。第九等。充賦最薄。言君天下者。以薄賦為正也。

貢篚。貢者。下獻其土所有於上也。篚。竹器。古者幣帛。則盛之以篚。篚而貢焉。

漆絲織文。充地宜漆宜桑。故貢漆絲。織文織為

有文錦綺之屬。

入貢河道

浮于濟。潔達于河。舟行水曰浮。兗州之貢賦。浮濟

浮。潔以達于河。帝都三面距河。達河則達帝都矣。

青州

東北至海。西南距岱。岱泰山。在今襲慶府。奉符縣。西

北三十里。唐孔氏曰。東北跨海至遼東。皆是舜

分青州為營州。營州即遼東也。堯時。青州當越海

而有諸郡也。熊氏曰。遼東朝鮮等。虺。今岡南之

平濼等州。皆青營之境。襲慶府。今兗州。奉符縣。今隸泰安州。

原隰

嶠夷。今登州之地。即堯典之嶠夷。

萊夷。今萊州之地。

川

濰水。地志云。出琅琊郡箕縣。今密州莒縣東北。濰山也。北至都昌入海。今濰州昌邑也。琅琊。今沂州。莒縣。今莒州。

淄水。地志出泰山郡萊蕪縣原山。今淄州淄州縣東南七十里原山也。東至博昌縣入海。今青州壽光縣也。通志淄出泰山梁父縣西入汶。按梁父今隸兗州奉符。此與蔡傳異。萊蕪。今隸泰安州。淄州。今般陽路。壽光縣。今屬益都路。

汶水。出泰山郡萊蕪縣原山。今淄州襲慶府萊蕪縣也。西南入濟。在今鄆州中都縣也。蓋淄水出萊蕪原山之陰。東北而入海。汶水出原山之陽。西南

而入濟。

鄆州。今平路。

土種有二

白墳。色白而性墳。平地之土也。

海濱廣斥。廣漠而斥鹵。海涯之地也。

上下。第三等。

中上。第四等。

鹽。斥地所出。

絺。細葛也。

海物惟錯。非一種。林氏曰。錯蓋別為一物。如磬

中錯之錯。

絲枲。麻也。

鉛松怪石。可為器用之飾。

檠絲。山桑之絲。其鞞中琴瑟之絃。蘇氏曰。東萊有

乏。

愚按八州言貢復別言篚者。篚所以盛精緻之物。非織文則織縞之屬是也。若漆絲鹽絺之類。其重且多。非可以篚盛之。故別言也。

入貢河道

浮于汶。達于濟。不言達河者。因於兗也。

徐州

東至海南。至淮。北至岱。西不言濟者。岱之陽濟。東為徐。岱之北濟。東為青。言濟不足以辨也。熊氏曰。徐州東抵海南。距淮。北跨岱。西接豫州之境。地雖不廣。蘇氏以徐州三面距山。下面背平野曠土。徐即魯境。地連淮海。

山

蒙山。地志在泰山郡蒙陰縣西南。今沂州費縣也。

林氏曰。即語東蒙詩。奄有龜蒙。

羽山。地志在東海郡。祝其縣南。今海州朐山縣也。

林氏曰。即殛鯀處。州。隸淮海道。

嶧山。地志東海郡下邳縣西。有葛繹山。古文以為

嶧山。下邳。今淮陽軍下邳縣也。河南。今邳州。嶧

山。即生。孤。相。處。

原隰

東原。漢之東平國。即今之鄆州也。後人以其地之

平。故謂之東平。又按東原在徐之西北。而謂之東

者。以在濟東故也。鄆州。今東平路。

澤

大野。地志在山陽郡鉅野縣北。今濟州鉅野縣也。

鉅。即大也。

按水經濟水至乘氏縣。分為二。南為菏。北為濟。鄆

道元謂一水東南流。一水東北流入鉅野澤。則大

野為濟之所絕。其所聚也大矣。何承天曰。鉅野南

導洙泗。北連清濟。又鄆州中都西南有大野陂。皆

大野之地也。鉅野縣。今屬濟寧路。有大野澤。

川

淮水。水經云。出南陽平氏縣胎簪山。禹只自桐柏

山導之耳。桐栢地志在南陽平氏縣東南今唐州桐栢縣也。沂入于泗泗入于淮東至淮浦入海。魯氏曰淮之源出于豫之境至揚徐之間始大其汎濫為患尤在於徐故於此言之。淮今在海寧州入海

沂水。地志沂水出泰山郡蓋縣艾山今沂州沂水縣也。南至下邳西南入泗。魯氏曰徐州水以沂名者非一。酈道元謂水出尼丘山西北徑魯之雩門亦謂之沂水。又水出太山武陽之冠石山亦謂之沂水。而沂水之大則出太山也。古沂水入泗泗水與淮台矣

泗水。出魯國沂縣桃墟西北陪尾山源有泉四。四泉俱導因以為名。西南過彭城又東南過下邳入淮。下縣今襲慶府泗水縣也。泗水縣今隸兗州

通志云其源出泗水縣西南流有洙水入焉。又西南至方與縣。菏水入焉。其水出乘氏方與今單州魚臺。又云有濑水至高平湖陸入泗水。又南至彭城。名曰沛水。有睢水入焉。又西南至下邳。沂水入焉。又南至楚州山陽入淮。此水今人謂之清河。或云泗水出鄆州梁山泊。泗水南流入海

許慎說文云泗水受沛水東入淮。

按泗受洙者桑欽云濟水至濟陰乘氏縣分為
二一水東北流為北濟一水南流為南濟通志
云今此水與濟不通但洧水亦自乘氏至方與
入泗而洧水通濟則泗可以達洧洧可以達濟
而自濟可以通河矣。

土

赤埴墳。埴土黏曰埴埴膩也。黏泥如脂之膩也。

田

上中。第二等。

賦

中中。第五等。

貢篚

土五色。徐土雖赤而五色之土亦間有之。王建大
社于國中其壝東青土南赤土西白土北驪土中
央豐以黃土。將建諸侯鑿取其方面之土苞以黃
土。苴以白茅以為土封。

夏翟。雉具五色其羽中旌旄染人之職。秋染夏鄭
氏曰染夏者染五色也。出羽人之畎其名山以此
歟。

孤桐。特生之桐其材中琴瑟以特生向白者為貴。

出嶧山之陽

浮磬。出泗水之濱。非必水中。蓋浮生土中。不根着者。

蠙珠。出淮之夷。蠙蚌之別名。

魚。今濠泗楚亦貢淮白魚。

玄。赤黑色幣也。

織縞。皆繒也。黑經白緯曰織。縞白繒。禮曰及期而

大祥。素縞麻衣中。月而禫。而織則織亦繒也。

入貢河道

浮于淮。泗達于河。澠水受浚儀陰溝。東入于泗。泗

揚州 入于淮。淮泗之可以達于河者。以澠至于泗也。

北至淮。東南至于海。熊氏曰。北距淮。東南至海。西抵荊州之境。其地乃淮。東西。江。東西。及兩浙。閩粵之地。

澤

彭蠡。地志在豫章。彭澤縣。東合江西江東諸水。跨豫章。饒州。南康軍三州之地。所謂鄱陽者是也。朱子曰。彭蠡之澤。在大江之南。自今江州湖口縣南。跨南康軍饒州之境。以接于隆興府之北。瀰漫

數十百里。其源東自饒徽信州建昌軍南自贛州南安軍西自袁筠以至隆興府分寧武寧諸邑方數千里之水皆會而歸焉北過南康揚瀾左里則兩岸漸迫山麓而湖面稍狹遂東北流以趨湖口而入于江以地勢北高南下故其入江反為江水所遏而不得遂因卻而自豬以為是數十里之大澤也。

蔡氏曰古今記載皆謂彭蠡今之番陽其澤在大江之南去漢水入江之處尚七百餘里其入江之處西則廬阜東則湖口皆石山峙立水道狹甚不

應漢水入江之後乃橫截而南入于番陽且番陽合數州之流初無仰於江漢而成也經言東匯澤以下蓋記者之誤鄭漁仲以為衍文是也。

臨川吳氏曰東匯澤為彭蠡六字舊本誤在導漾條遂致紛紜異論蓋鄂州北對漢陽軍大別山漢水自北來入江合流江水與之會水之合流曰匯故曰東迤北會于匯不言會于漢者以漢有漾漢滄浪之異名不可指定而言故但曰會于匯江漢合流之後至江州德化縣又六十里有水南來入江合流即東匯澤為彭蠡也

震澤。太湖也。周職方揚州藪曰具區。地志在吳縣之西南五十里。今蘇州吳縣也。具區之水多震而難定。故謂之震澤。

三江

三江。唐仲初吳都賦註松江下七十里分流東北入海者為婁江。南流者為東江。併松江為三江。其地今已名三江口。唐孔氏云吳地記同。蘇氏謂岷山之江為中江。嶓冢之江為北江。豫章之江為南江。然江漢會于漢陽。數百里至湖口。而後與豫章江合。不復可指為三矣。顏師古以為中江

南江北江。郭景純以為岷江浙江松江。韋昭以為松江錢塘江浦陽江。王介甫以為一江自義興。一江自毗陵。一江自吳縣。陳氏曰皆據所見而言。非禹舊跡也。薛士龍言震澤下有三江入海。彼以目驗之。恐其說之必然也。

江。出岷山地志在蜀郡湔氐道西徼外。在今茂州汶山縣東。別流於梁為沱。又東至長沙下雋縣西北。澧水入焉。又東過九江。九江今洞庭也。又東至岳州巴陵縣。又東會彭蠡湖口之水。又東入于海。在今通州靜海縣。長沙今潭州路。

按漢水至武昌入江導江條何以不記吳氏謂東地北會于匯乃漢水合流之處其說是也又經言東至于澧乃澧州界非澧水也澧水自入洞庭與江相遠今言下雋西北澧水入者非也

塗泥。水泉濕也。下地多水其土淖。

下下。第九等。

下上上錯。第七等雜出第六等言下上上錯者以

本設賦九等。分為三品。下上與中下異品。故變言上錯也。

金三品。金銀銅也。

瑤琨。玉石名。

篠。材中於矢之筈。

蕩。材中於樂之管亦可為符節。齒革羽毛。象有齒犀兕有革鳥有羽獸有毛。木。榘梓豫章之屬。齒革可以成車甲羽毛可以為旌旄木可備棟宇器械之用。

卉服。葛越木綿之屬。

織貝。錦名。織為貝文。今南夷木綿之精好者亦謂

之吉貝。海島之夷以卉服來貢。織貝之精者則入

筐焉。

橘柚。小曰橘。大曰柚。必錫命而後貢。

入貢河道

汭于江海。達于淮泗。順流而下曰汭。汭江入海。自

海入淮。泗不言達河者。因於徐也。禹時江淮未通

故汭於海。至吳始開邗溝。隋人廣之。至江淮舟船

始通也。

荆州

北距南條荆山。南盡衡山之陽。言陽者。其地不止

此山。而猶包其南也。熊氏曰。荆州之地。北接雍

豫之境。南逾五嶺。越雖上古未通。亦當在要荒之

服。東抵揚州之境。西抵梁州。及西南夷等處。皆楚

地也。曾氏曰。荆及衡陽。即今湖南北之地。今江

山

荆山。此南條荆山。地志在南郡臨沮縣北。今襄陽

府南漳縣也。

衡山。南嶽也。地志在長沙國湘南縣。今潭州衡山縣也。

川

漢水。始出為漾。東流為沔。又為漢。又為滄浪之水。實一水而異名也。水經曰。漾水出隴西郡氐道縣嶓冢山。東至武都常璩曰。漢水有兩源。此東源也。即所謂嶓冢導漾者。其西源出隴西嶓冢山。會泉治源曰沔。逕葭萌入漢。東源在今西縣之西。西源在今三泉縣之東也。酈道元謂東西兩川俱出嶓冢而同為漢水者是也。水源發于嶓冢為漾。至武

都為漢。又東至武當縣北四十里。漢水中有洲曰滄浪洲。水曰滄浪水。至復州景陵縣界。過三澁水。觸大別山。至漢陽軍。漢陽縣入江。○大別山在今漢陽軍漢陽縣北。正荊州之域。西縣今屬興元路。武當州縣景陵府今沔陽

按武都今階州。乃出紫泥。虺今鳳州。乃漢武都郡。去階州千餘里。此武都必鳳州也。

九江。即今之洞庭也。水經言九江在長沙下雋西北。楚地記曰。巴陵瀟湘之淵在九江之間。今岳州巴陵縣。即楚之巴陵。漢之下雋也。洞庭正在其西。

北則洞庭為九江審矣。今沅水、澧水、元水、辰水、叙水、澧水、資水、湘水、酉水皆合洞庭。意以是名九江也。○潯陽地記云：一曰烏白江，二曰蚌江，三曰烏江，四曰嘉靡江，五曰畎江，六曰源江，七曰廩江，八曰提江，九曰箇江。○張須元緣江圖云：一曰三里江，二曰五洲江，三曰嘉靡江，四曰烏上江，五曰白蚌江，六曰白鳥江，七曰箇江，八曰沙堤江，九曰廩江。○漢志九江在廬江郡之尋陽縣。今詩漢九江郡之尋陽乃禹貢揚州之境。而唐孔氏以為九江之名起於近代，未足為據。若泝別為九沙水相間。

乃為十有七道。今尋陽之地將無所容。反復參攷則九江非尋陽明甚。胡氏以洞庭為九江者得之。曾氏亦曰過九江至于東陵。東陵今之巴陵。今巴陵之上即洞庭也。因九水所合遂為九江。廬江郡今廬州。

尋陽今益城江州。

沱水。爾雅曰水自江出為沱。今按南郡枝江縣有沱水。然其流入江而非出於江也。華容縣有夏水。首出于江尾入于沔。亦謂之沱。枝江今華容縣。今江陵路縣。○王炎曰沱水在今江陵府枝江縣。土人謂枝江為百里洲。夾江沱于水之間。其與江分。則謂之上。

沱與江合。颺謂之下沱。

潛水。爾雅曰：水自漢出為潛。王炎曰：隋志南郡

松滋縣有潛。即古潛字。今松滋分為潛江縣矣。

孔氏於梁州沱潛下注云：沱潛發源此州入荆

州。唐孔氏曰：以二州沱潛為一者，然彼州山水古

今不可移。易孔為武帝博士。地理志無密，不知蓋

以水從江漢出者皆曰沱潛。但地勢西高東下，雖

於梁州合流，還從荆州分出，猶如濟水入河，還從

河出。故孔舉大畧為發源梁州耳。松滋。潛江。今江

澤

雲夢。周官職方：荆州其澤藪曰雲夢，方八九百里

跨江南北。華容枝江江夏安陸皆其地也。左傳楚

子濟江入于雲中。又楚子以鄭伯田于江南之夢

合而言之則為一，別而言之則二澤也。

朱子曰：江陵之下連岳州是雲夢。江夏屬武昌。在

安府。在江北。

土

塗泥。與揚州同。

田

下中。第八等。

賦

上下。第三等賦高於田五等者地闊而人工修也。

貢篚

羽毛齒革金三品。荆之貢大抵與揚州同。

柁榦。木似榦可為弓榦。

枯柏。枯柏葉松身柏木名。

礪砥。礪磨石之麤者砥磨石之細者。

磬。石中矢鏃之用。肅慎氏貢石磬是也。

丹。丹砂也。

箇籥。竹名竹之堅者材中矢筈。

楛。木名可以為矢肅慎氏貢楛矢是也。

菁茅。有刺而三脊所以供祭祀縮酒之用既包而

又匣之。所以示敬也管子云江淮之間一茅三脊

今辰州麻陽縣苞茅山出苞茅有刺而三脊

玄纁。玄見上纁絳色幣也。

璣組。璣珠不圓者組綬類。

大龜。尺有二寸所謂國之守龜非可常得若偶得則納錫于上納錫者下與上之辭重其事也。

貢河道

浮于江沱潛漢逾于洛至于南河。江沱潛漢其水

道之出入不可詳而大勢則自江沱而入潛漢逾越也。漢與洛不通故舍舟而陸以達于洛。自洛而至子南河也。

豫州

熊氏曰。豫州居天下之中。四方道里適均。湯之亳。今河南偃師。成王之洛邑。今河南洛陽縣。其地北距河南抵荆山東抵徐西抵雍梁。今為河南府。魏陝鄭汝陳蔡唐鄧汴宋等州之地。

川

伊水。山海經云。熊耳之山。伊水出焉。東北至洛陽。

縣南北入洛。熊耳在上洛縣南。今商州上洛縣。

伊水出熊耳山東北入洛。洛水出冢嶺山。至鞏縣。

入河。瀍水出潛亭東南入洛。澗水出新安亦入洛。

洛水。地志出弘農郡上洛縣冢嶺山。水經謂之謹。

舉山。今商州洛南縣冢嶺山。至鞏縣入河。今河南府鞏縣。

瀍水。地志云出河南郡穀城縣潛亭北。今河南府。

河南縣西北有古穀城縣。其北山實瀍水所出也。

至河南府偃師縣入洛。

澗水。地志云出弘農郡新安縣東南入于洛。新安。

在今河南府新安澠池之間。今澠池縣東二十三里新安城是也。城東北有白石山，即澗水所出。酈道元云：世謂之廣陽山，然則澗水出今之澠池，至新安入洛也。

今按唐孔氏引地理志云：伊水東北入洛，灑水東南入洛，澗水東南入洛，則灑澗二水各入洛。通志以為澗水東南入灑，灑水至河南入洛，則灑澗合流而後入洛。二說不同，當考。灑池縣今屬陝州。榮水。濟水自今孟州温縣入河，潛行絕河南，溢為榮。在今鄭州榮澤縣西五里，敖倉東南敖倉者古

之敖山也。按今濟水但入河，不復過河之南。榮瀆水受河水，有石門，謂之榮口石門。鄭康成謂榮今塞為平地，榮陽民猶謂其處為榮澤。酈道元曰：禹塞泮水於榮陽，下引河東南以通淮泗。濟水分河東南流，漢明帝使王景即榮水故瀆，注浚儀，謂之浚儀渠。漢志謂榮陽縣有狼蕩渠，首受濟者，是也。南曰狼蕩，北曰浚儀，其實一也。榮澤今隸汴梁，榮陽隸鄭州。今按通志：汴水一名鴻溝，一名官度水，一名通濟渠，一名狼蕩渠，或云狼蕩渠別汴，首受河水，自汜水縣東南過榮陽陳留睢陵符離至泗州。

入淮。又云。睢水首受汴水。班云。首受狼蕩水。疑
狼蕩即汴也。自浚儀縣東經陳留梁譙沛彭城
縣入泗水。浚儀近改為祥符。然則浚儀渠亦名
狼蕩渠。即王景所注之渠。非鴻溝之汴。即或云
別汴者是也。汜水屬鄭州。陳留屬汴梁。符離今
宿州。睢陵今歸德。有睢陽縣。梁今
歸德。沛今徐州。祥符
屬汴梁。譙屬亳州。
波水。周職方其川。熒雒其浸。波澹。爾雅云。水自洛
出為波。山海經曰。婁涿之山。波水出其陰。北流注
于穀。二說不同。
按通志。穀水出澠池縣陽穀谷。東南至河南入

洛。則波水當在河南之地。澠池今屬陝州。

澤

荷澤。地志在濟陰郡定陶縣東。今興仁府濟陰縣
南三里。其地有荷山。故名。其澤為荷澤也。蓋濟水
所經。水經謂南濟東過寬句縣南。又東過定陶縣
南。又東北荷水東出焉。是也。定陶。濟陰。
並屬曹州。
按通志云。荷水首受濟。東南入泗。蓋上流通濟
也。

孟豬。爾雅作孟諸。地志在梁國睢陽縣東北。今南
京。虞城縣西北。孟諸澤是也。梁國。南京。
今歸德府。

土等有二

壤。不言色者。其色雜也。

下土墳壩。壩。䟽也。顏氏曰。玄而䟽者。謂之壩。

高地則壤。下地則壩。

田

中上。第四等。

賦

錯上中。第二等。雜出。第十等。

貢篚

漆。泉。絺。紵。織。績。續。續。細。綿。也。

磬錯。治磬之錯。非常用之物。故錫命然後納。

入貢河道

浮于洛。達于河。豫去帝都最近。豫之東境。徑自入河。豫之西境。則浮于洛。而後至河也。

梁州

東距華山之南。西據黑水。熊氏曰。梁州。今全蜀之地。成都。潼川。興元。利州。夔州。等路。五十四州之地是也。北與秦隴接境。實為天下要脊。

山

岷山。地志在蜀郡。前氏道。西徼外。在今茂州。汶山

縣江水所出也。晁氏曰。蜀以山邊江源者。通為岷山。連峯接岫。重疊險阻。不詳遠近。青城天彭諸山之所環遶。皆古之岷山。青城乃其第一峯也。

嶓山。嶓冢山。地志在隴西郡。氏道縣。漾水所出。又云。在西縣。今興元府西縣三泉縣也。蓋嶓冢一山。跨于兩縣。

蔡山。輿地記。在今雅州嚴道縣。

蒙山。地志。蜀郡青衣縣。今雅州名山縣。酈道元謂山上合下開。沫水徑其間。溷崖水脉漂疾。歷代為惠。蜀郡太守李冰發卒鑿乎溷崖。則此二山在焉。

為用功多也。

華山。即太華。地志在京兆華陰縣南。今華州華陰縣二十里也。

西傾山。地志在隴西郡臨洮縣西。今洮州臨潭縣西南。今臨洮縣西。今臨洮縣西南。

川

沱水。此江別流之在梁州者。地志蜀郡郫縣。江沱在東。西入大江。郫縣今成都府郫縣也。又地志蜀郡汶江縣。江沱在西南。東入江。汶江縣今求康軍導江縣也。未康。今灌州。

潛水。地志。巴郡宕渠縣潛水。西南入江。宕渠今渠州。流江縣也。酈道元謂宕渠縣有大穴。潛水入焉。通四正山下。西南潛出。南入于江。又地志。漢中郡安陽縣瀆谷水出。西南入漢。瀆音。安陽縣今洋州。真符縣也。按潛水西南入漢者。入葭州。前之西。漢非河水之漢也。

愚按。荆梁二州皆言沱潛。而地志水經所指各異者。蓋名同耳。荆州之沱潛。則可以逾洛至河。梁州之沱潛。則自入江。孔氏以為發源梁州入荆州者。附會之說也。故穎達但言孔氏必見地志。猶濟入河。還從河出。皆非的論。大抵天下之

水。有名同而流異者。有水同而名異者。不可牽合。以求其必同。但不知禹所道者。的指何水耳。

黑水。地志出犍為郡南廣縣。汾關山水經出。張掖。維山。南至燉煌。過三危山。南流入南海。唐樊綽云。西夷之水。南流入南海者。凡四。曰區江。曰西珥河。曰麗水。曰瀾若江。皆入南海。其麗水者。即古之黑水也。三危山。臨峙其上。蔡氏曰。按梁雍二州。西邊皆以黑水為界。是黑水自雍之西北。而直出梁之西南也。中國山勢。岡脊大抵皆自西北而來。積石岷山西傾。岡脊以東之水。既入于河。漢岷江。其

岡脊以西之水即為黑水而入于南海。地志水經樊氏之說雖未詳的實要是其地也。程氏曰樊綽以麗水為黑水者恐其狹小不足為界其所稱西珥河者與漢志葉榆澤相貫廣闊可二十里既足以別界二州其流又正趨南海又漢滇池即葉榆之地武帝初開滇嶺時其地古有黑水舊祠而綽及道元皆謂此澤以榆葉所積得名則其水之黑似榆葉積漬所成且其地乃在蜀之正西又東北距宕昌不遠宕昌即三苗種裔與三苗之叙于三危者又為相應其證驗莫此之明也。張掖今并州燉煌今沙州

愚按李氏聲教圖烏海自三危至吐蕃南合麗水川徑天竺之東以入南海在雍梁二州之西必黑水也。又李京雲南志西珥河即葉榆水在大理點蒼山下方圍三百餘里勢如人耳故名其源不出三危且在中慶西境去梁雍絕遠不可以別界二州矣。樊說雖未備頗為近之。

祖水。水經曰西傾之南祖水出焉。

潛水。酈道元曰自西傾而至葭萌浮于西漢西漢

即潛水也。葭萌今西川廣元路水至重慶路入江

沔水。蘇氏曰漢始出為漾東南流為沔至漢中東

行爲漢沔。漢中今興元府路。

原隰

和夷。地名。嚴道以西有和川。有夷道。或其地也。
晁氏曰。和夷。二水名。和水。今雅州榮經縣北和川。
水自巒界羅岳州東西來。逕蒙山。所謂青衣水。而
入岷江者也。夷水。出魚復縣東南。過恨山縣南。又
東。道夷道縣北。東入于江。今詳二說。皆未可必。但
經言底績者。三覃懷原隰。既皆地名。則此或地名。
因水。未可知也。唐孔氏亦曰。和夷。平地之名。
土

青黎。黎。黑也。孔氏曰。沃壤也。

田

下上。第七等。

賦

下中三錯。第八等。雜出。第七第九等。

貢

璆鐵。璆。玉磬。鐵。柔鐵。

銀。鐵先於銀者。鐵多於銀也。

鏤。剛鐵。可以刻鏤者。

磬磬。石磬。

熊羆狐狸織皮。四獸之皮製之可以為裘其毳毛織之可以為罽。

愚按梁雍二州言貢不言篚者蓋篚所以盛精緻之物隨所出有無而言也。

入貢河道

西傾因桓是來浮于潛逾于沔入于渭亂于河。鄜道元曰自西傾而至葭萌浮于西漢西漢即潛水也。自西漢溯流而屈于晉壽界阻漾枝津南歷岡北迤邐接漢沔歷漢川至于褒水逾褒而暨于衙嶺之南溪灌于斜川屈于武功而北以入于渭。

經言沔渭而不言褒斜者因大以見小也。褒斜之間絕水百餘里故曰逾然於經文則當曰逾于渭今日逾于沔此又未可曉也。絕河而渡曰亂。

雍州

西據黑水東距西河。西河者主冀都而言也。熊氏曰雍州秦地周之岐豐鎬京漢之三輔皆此焉。據地勢之上流當天下之要脊四塞以為固書以黑水西河為界而又西接弱水流沙之地則土地之廣漠可知。大抵關中之地固是形勢但其地迫近西戎周秦漢唐世有羌胡之患必盡陰山與

唐三受降城及靈夏河西五郡為塞地乃可爾

山

荆山。即北條之荆。地志在馮翊懷德縣南。今耀州富平縣掘陵原也。

岐山。地志在扶風美陽縣西北。今鳳翔府岐山縣東北十里也。

終南山。地志古文以太一山為終南山。在扶風武功縣。今未興軍萬年縣南五十里也。奉元路。

惇物山。地志古文以垂山為惇物。在扶風武功縣。今未興軍武功縣也。

烏鼠山。地志在隴西郡首陽縣西南。今渭州渭源縣西也。俗呼為青雀山。渭州。今鞏昌路。渭源。今隸臨洮府。

三危山。即舜竄三苗之地。或以為燉煌。未詳其地。

歸軒鄒氏曰。按後漢西羌傳註。三危山在今沙州燉煌縣東南。山有三峯。故曰三危。

積石山。地志在金城郡河關縣西南。羌中。今鄯州龍支縣界。隴州。今

龍門山。地志在馮翊夏陽縣。今河中府龍門縣崑崙山。即河源所出。在臨羗。

析支。唐孔氏引鄭玄云。衣皮之民居此。崑崙析支。

渠搜。三山之野。則析支。渠搜皆山也。析支在河關西千餘里。吐蕃居此水上。亦曰賜支。唐

渠搜。水經曰。河自朔方東轉。經渠搜縣故城址。蓋近朔方之地也。朔方。在銀夏路西北。古

川

弱水。柳宗元曰。西海之山有水焉。散渙無力。不能負米。投之則委靡墊沒。及底而後止。故名曰弱。地志云。在張掖刪丹縣。薛氏曰。弱水出吐谷渾界窮石山。自刪丹西至合黎山。與張掖縣河合。又按通鑑。魏太武擊柔然。至粟水。西行至菟園水。分軍收

討。又循弱水西行。至涿邪山。則弱水在菟園水之西。涿邪山之東矣。

涇水。地志出安定郡涇陽縣。西今原州百泉縣。頭山也。東南至馮翊陽陵縣。入渭。今未與軍高陵縣也。安定。今涇州。原州。今鎮原州。

渭水。地志出隴西郡首陽縣西南。今渭州渭原縣。鳥鼠山西北南谷山也。東至京兆船司空縣。入河。今華州華陰縣也。渭州。今鞏昌路。

汭水。地志作芮。扶風汭縣。蒲藪。芮水出其西北。東入涇。今隴州汭源縣。弦蒲藪有汭水焉。周職方雍

州其川涇汭。詩曰。芮鞠之。即皆謂是也。○孔氏曰。水北曰汭。

漆水。○寰宇記。自耀州同官縣東北界來。經華原縣。

合沮水。華原。今耀州。○唐孔氏引地志云。漆水出扶風。

漆縣西。晁氏曰。此函之漆也。○通志云。出鳳翔普。

潤縣東。或云出岐山。經華原縣。與沮水合。南至富。

平縣入于渭。程氏曰。普潤之漆入渭。在澧水之上。

節。次與經不合。富平。今耀州。

沮水。○地志。出北地郡直路縣東。今坊州宜君縣西。

北境也。寰宇記。沮水自坊州昇平縣北子午嶺出。

俗號子午水。下合榆谷慈馬等川。遂為沮水。至耀

州華原縣合漆水。至同州朝邑縣東南入渭。坊州。今耀州。

州。

澧水。○地志。作鄠。出扶風鄠縣終南山。今末與軍鄠

縣山也。東至咸陽縣入渭。鄠縣。咸陽。並屬奉元路。

原隰

原隰。○廣平曰。原下濕曰隰。詩曰。度其隰原。即指此也。

鄭氏曰。其地在函。今邠州也。

豬野。○地志。武威縣東北有林屠澤。古今以為豬野。

尚書通考 卷之四十一
今涼州姑臧縣也。今西涼州。

土

黃壤。黃者土之正色也。林氏曰。物得其常性者尊貴。雍州之土黃壤。故其田非他州所及。

田

上上。第十等。

賦

中下。第六等。地狹而人功少也。

愚按賦等。高下者。地有廣狹也。雍東止西河。西盡黑水。不為狹矣。而千里沃壤。惟關中之地。積

石以西。析支之地。寒早收薄。不足以供。故賦入寡也。

貢無能。

球琳。美玉也。

琅玕。石之似珠者。爾雅曰。西北之美者。有崑崙虛之球琳。琅玕。今南海有青琅玕。珊瑚屬也。山海經云。崑崙山有琅玕樹。

入貢河道

浮于積石。至于龍門西河。會于渭汭。雍之貢道有二。其東北境。則自積石。至于西河。其西南境。則會

于渭汭言渭汭不言河者蒙梁州之文也他州貢賦亦當不止一道發此例以互見耳。熊氏曰正道皆從渭達河惟山脊西北之地渭道不可通處必自積石之河經涉龍門而達於西河也。
 愚按五服之制田賦所入於天子者不過甸服而已其外則以封建諸侯其入貢河道惟記入莊州之貢篚與諸侯朝會之所經耳。

尚書通考卷之七終

